



MINISTÈRE
DE L'ÉDUCATION
NATIONALE

EAE COR 2

SESSION 2018

AGREGATION CONCOURS EXTERNE

Section : LANGUES DE FRANCE

Option : CORSE

COMMENTAIRE EN CORSE

Durée : 7 heures

L'usage de tout ouvrage de référence, de tout dictionnaire et de tout matériel électronique (y compris la calculatrice) est rigoureusement interdit.

Dans le cas où un(e) candidat(e) repère ce qui lui semble être une erreur d'énoncé, il (elle) le signale très lisiblement sur sa copie, propose la correction et poursuit l'épreuve en conséquence.

De même, si cela vous conduit à formuler une ou plusieurs hypothèses, il vous est demandé de la (ou les) mentionner explicitement.

NB : La copie que vous rendrez ne devra, conformément au principe d'anonymat, comporter aucun signe distinctif, tel que nom, signature, origine, etc. Si le travail qui vous est demandé comporte notamment la rédaction d'un projet ou d'une note, vous devrez impérativement vous abstenir de signer ou de l'identifier.

Tournez la page S.V.P.

COMMENTAIRE

«-A l'anu fatta ! disse forte Ansaldinu tempu ch'elle sbuccavanu in lu pianu di fiume Baraci e fiaccule di i cavalli ghjinuvesi. Ùn istaraghju tantu à vedelu avà, ma tù, o carissima Fiora, megliu faristi à turratti in la nostra galera, chì l'avarè vistu ancu troppu da vicinu.

-U vogliu vede ancu eiu l'ultima volta, chi fù sempre à servizi par mè, stuzzicò a Siciliana. Senza e nostre trappule è u tradimentu di Salinese, ùn lu pigliavamu ... U vogliu vede, chì li portu quantunque rispettu, cuntinuvò sopra pinseru.»

Eranu à pochi passi da a striscia sciumariosa di i marosuli, in cima à quellu ricesu frollu di a marina di Baraci, è si surrinava guasgi à i so pedi u fiume languente misaru di a statina. Aspittavanu da ora di vespari cù i marinari di i battelli ch'elle vultissinu e ghjente di Spinola.

In cor di meiornu, cù a scusa d'accumpagnà à Amarga finu à Cilaccia, avia pigliatu dopu cresta cresta Fiora a punta di u Prunetu ed era falata à via di u mare è di e galere, sullibbiata ch'ella fussi compia a so missione. L' avianu dumandatu di truvà à Ghjudice, d'alusingallu cù a fola di l'Aracunesi è di tratenelu in Istria o in Vaddi di a Rocca, è avia trouu, tratinutu è alusingatu quant' ella avia pussutu. Avà tuccava à l'oste di Spinola...

Ùn lu s'aspittava micca à Ansaldinu, è ùn ci pinsava mancu tantu d'altronde, quand'ella infattò l'avanguardia ghjinuvese. Attippavanu par induva ella falava ella, chì vulianu attaccà à Rocca di a Vaddi da daretu. Disse, salutendu u Vescu, ch'ella era biota a gabbia è ch'elli attippavanu indarru.

Ansaldinu surrise è rispose ch'un si sapia mai cù e gabbie è l'acelli in quelle loche pumuntinche istrose. Era ghjuntu u ghjornu innanzu in battellu à ritruvà e galere di Spinola è mettelu à capu par a Marmurigna è i castelli di Cavru è di l'Urnau. L'avia dettu di stassine cun ellu u Capitanu ghjinuvese, prima di scrive à Gugliermu ch'ellu sciuglissi l'oste è vultissi in le so tarre cismuntinche. Bramava a pace in lu so duminiu di Corsica a Ripublica è ghjera ancu megliu chì i Signori è Gentilomi ch'elli ristissinu in lu so statu è ch'ellu ùn ci ne füssi più Conti di Corsica. Li prumittia altre cinque mila lire è l'avia da fà Citadinu di Ghjenuva a Ripublica.

Pinsendu ch'ella era finita a so missione, Ansaldinu, quantunque avvezzu abbastanza, si smaravigliò ch'ella li vinissi cusì faciule è virtuosa a falsità.

Eranu ghjungi avà i cavalli. Si varconu tutti l'omi, ch'affundavanu in la rena, è vensenu zitti è coti induv'elli eranu. Viaghjavu in testa Pieru Spinola è Ghjudice di a Rocca. Avia turratù à mette a so fasciola bianca inariciata nera u vechju Signore cecu, chì ancu a lucenda l'abbagliulava avà.

«- Pinsarà ancu ch'elli sò cum'è mè l'unguenti, campatoghji ma pocu, è ùn si sbagliarà tantu, disse da sè à sè cun amarezza Fiora.»

Quand'elli funu ghjungi in paru à elli, in cima à quellu ricesu ch'un lu parava più da i schizzilimi, si vultò à e so muntagne natie u vechju Signore di Corsica, si pose in ghjinuchjoni, pigliò un pugnu di rena è disse stagliendu e parole :

«- A sò chì tù sè quì, o Salinè è chì tù mi senti. U scurtone di a scaffa di Prunu, eramu più cà eiu è tù à cunnoscelu. Sii maladettu, tù è tuttu u to razzinu! Ch'ellu fermi di tè quant'ellu ferma di què !»

I granelli di a rena, frumbulati luntanu à via di l'omi d'arme chi sussuravanu appena appena sottu à ellu, vultonu à schiaffittà à Fiora è à Ansaldinu.

«- Saremu ghjastimati ancu noi avà, o carissimu Ansaldinu, disse Fiora rimirendu da à nantu à u paraponte di a galera quelle coste inzucculate è quelli monti ascheri. Ùn la vogliu più tene a petra quatra, chi tantu e ghjasteme sò più lestre...

-Ghjastimati, sò ghjastimati tutti chì quantu hè l'omi, tagliò u Vescu, stringhjendula forte, mentre ch'ella affundava pricipitata senza trosti a petra nera russiccia di a Corsica.»

Santu Casta, 1997, *L'acelli di u Sariseu*, pp.179-182

INFORMATION AUX CANDIDATS

Vous trouverez ci-après les codes nécessaires vous permettant de compléter les rubriques figurant en en-tête de votre copie

Ces codes doivent être reportés sur chacune des copies que vous remettrez.

Concours

EAE

Section/option

0443A

Epreuve

102

Matière

7932